

Deo optimo maximo uni & trino, Virgini Deiparæ, & sancto Lucæ orthodoxorum Medicorum Patrono.

1512

QUÆSTIO MEDICA

Quodlibetariis disputationibus, manè discutienda in Scholis Medicorum, die Jovis nonâ Februarii.

M. PETRO YON, Doctore Medico, Præside.

An in asthmatis paroxysmo purgandum?

ASTHMATIS nomine nihil aliud intelligitur quam frequens & anhelosa *ἀσπνέσις*, ut plurimum, cum summa thoracis contentione respiratio. Horrenda sanè species morbi, qui vel immanis & subitus ægrotantem atrociter suffocat, vel contumax, ac lentus gravissimarum affectionum sementem facit. Infantibus lethale malum asthma est, quoties hæticum, adultis periculosum. Hoc affectu pulmo (qui aliquando infons) aliarum partium scelera sæpissimè luit: nimirum si conflictetur genus nervosum, illico comprimitur trachea arteria & pulmonis bronchia convelluntur, si lien uterisque insaniant, si sanguis depauperatus segnius in vasis moveatur, hinc tenellum pulmonis viscus misère disceperit, irritò languescens naturæ conamine, inde hanc *ἀσπνία* patiuntur lobulorum vesiculæ, ut aërem nec emittant effectum, nec, ut par est, recentem admittant. Latet in sanguine tanti mali labes. Sanguis pessimis & evectis nimium fermentis imbutus serosam exprimit colluviem, tum suboritur enormis utriusque fermentatio, respirationis instrumenta brevi suffocatura.

SANORUM in ventriculo coctionis opifex acidus & volatilis liquor, in asthmaticis degener in crudum acorem ac feri colluviem alimenta convertit. Eam ob rem cruda vomunt *πρωτορροίαι*, dejiciunt aquosa, & importuno fluxu salivæ urinæ crudioris labuntur in hydropem. Quot excruciantur syphilide, scorbuticis affectibus, hysterici, hypochondriaci, epileptici, tot miseranda sunt asthmatis mancipia: hujus enim non infrequenter sentiunt imperium. Roridus humor jugiter elaboratur in vasis, hunc intus subigente fermento: sic non parvi refert, æqua sit an iniqua molecularum quibus ille constat contemperatio. Serosæ, salinæ, ceteræque sanguinis particula æquabili motu cieantur, ne præpostera surgat turgescencia, quæ vitæ lares obruat. Sanguis asthmaticorum particulis cujuscumque naturæ, salso-acribus, acidis, volatilibus, fixisque saturatus, nunc ebullit impensè fluidus, nunc præ lentore consistit, serique patitur deliquium; nunc explosivis abundè fœtus, nunc spasmodicis, modo splenicum, modo uterinum fermentum exagitat; nonnumquam nervoso infensus generi, respirationis organa diris exercet symptomatis. Sic idem sanguis pronus ad organicum in violentos motus abripitur levissimâ de causâ, tum pulmonares comprimit vesiculas, quæ molles cum sint & flaccidæ facillè illi debent obtemperare. Igitur ne mireris asthmaticum suffocari paroxysmi vehementiâ, quam intemptivus catharticos usus excitaverit.

SUADET purgationis necessitatem sapiens natura. Totemundicia cur destinasset alimentorum reliquis, cur tot aperuisset vias, quibus partes expurgarentur? At quam operosum sana corpora, quam lubricum quæ sunt infirma purgare? Solus id æsequitur qui noxios è vasis liquoribus educit cum *εὐποσία*. Quas excretiones incohat natura, has ille perficit ope medicaminis. Novit corporis *ὕψιστος* qui scit ferocientibus succis frænos injicere, mitigatis remittere. Secus in asthmatis paroxysmo speraveris à potione cathartica. Irritat hæc partes simul & humores, quod retinendum foras eductura, retentura quod evacuandum. Levis aut vehemens *ἀνὰ καὶ ὑπὸ* subit intimos sanguinis & spirituum recessus, hunc & illos vitatura: quæ fecerint vel melancholiam referunt, vel æruginosam bilem mentiuntur. Porro immatura purgatio serum utile cruoris vehiculum non raro exhaurit, huic tamen negotioso medentis præsidio suæ sunt in morbis curandis opportunitates, sunt & difficultates, & ex locis & ex humoribus purgandis repetendæ. Sanguis serosâ scatens eluvie, morboquo imprægnatus fermento, asthma fovet, paroxysmum provocaturus: quid absimilis vino fermentescenti, quâvis de causâ turgescit, parit *ἀνὰ καὶ ὑπὸ* spirituum: hunc ita fervidum aut ferocientem refrænare purgantibus quis attentaret? is equo currenti calcem admoveat imprudenter: quin & intenderet cathartico stimulis feri jam ebullientis effervescentiam.

SERI turgescenciam parit in asthmaticis humorum confusio, aut viarum interceptio. Sed hos non urget remedium qui cum Hippocrate ac ratione consensit. Contendat potissimum Medicus inordinatos fermentationum motus compescere, quæ ducenda veniunt segregare coquendo, aut præcipitando: humores reddat fluidos & obtemperantes, laxet vias quibus educendi sunt. Sordes egerunt intestina peristaltici motus & respirationis ope; sed hæc organa acius læcessit purgantium virus, & animatas spirituum copias odoritur, insolentem sanguinis effervescentiam concitatura: hinc non sine tumultu obsequuntur humores expurgandi. In asthmatis paroxysmo velut in peracutis summa statim sunt omnia, succi ferocientes ebulliunt, vasa pectoris ad ruptionem intenduntur, *ἀνὰ* vergit impetus omnis præcordiorum & sanguinis, natura profusè oppressa gemit: num deleteria, num tumultuosa purgantium vis in auxilium vocabitur, quum tam dira premit respirandi difficultas? serosæ colluviæ comes est, quæ contraxit *ἔξω*, invaletudo. Experientia cum ratione suadet feri purgationem, loco, tempore celebrandam. Quis in epilepticis accessionibus, quis in hysterici impune propinavit catharticum? iis in affectibus læsa per consensum respiratio si patiatur ab intempestiva potione, in asthmatis insultu dum pulmones obruantur ab humorum ferocia, dum latet in pectore tota mali labes, si cathartico moveas succos ibi turgescences, spiramenta animæ aliundè languescens cito suffocabis.

ATTENDAT itaque Medicus ad paroxysmum, sicut ad causam asthmatis, hæc non est sanguis effectus haud capax naturalis effervescentiæ. Is quidem sero dilutus nimio provocatur identidem ad fusionsum fermentationum modos excitaturæ. Sic sanguis magis effervescens gravius opprimit pulmonum lobulos, obruit & ferocior turba spirituum; quin & aliquando fugit è vasis redundans ruor. Tot occurrat incommodis *φλεγομήλη*, ingravescente vel vigente paroxysmo repetenda: veniant in auxilium quæ salium, quæ sulphurum castigan iniquas combinationes, quæ morbosa corrigunt fermenta, *ἀσπνίας* feri, *δυνεργίας* vivifici laticis. In declinatione tutius oggeres medicamentum, quo debellatâ morbi causâ spontè fluent humores, *ἀνὰ*, vel *ὑπὸ* secëssuri. In plerisque morbis si coctionem materiæ peccantis expectaveris, vacuationi quam tentabis respondebit natura, quæ vigente paroxysmo sui semper impotens.

Non ergo in asthmatis paroxysmo purgandum.



DOMINI DOCTORES DISPUTATURI

M. Ambrosius-Nicolaus Chemineau,
M. Joannes Gelly,
M. Joannes-Baptista-Gabriel Fressant.

M. Michael Sauvalle.
M. Ludovicus Piquenot de Drazeeville.
M. Claudius Burlet, Scholæ Professor.

M. Guido Crescentius Fagen, Primarius Christianissimi Regis, Medicus, & Archiaterorum comes.
M. Jacobus de Bourges.
M. Nicolaus Rainsant.

Proponebat Parisiis PETRUS JACQUEMIER, à Sancto Felice, Diocesis Tolosanæ, Baccalaureus Medicus. A. R. S. H. 1696.